

孟子
子
外書
四篇
解



孟子外書四篇

劉
敞
注

中
華
書
局

叢書集成初編

孟子 解（及其他二種）

中華書局 出版發行

（北京王府井大街三十六號）

秦皇島市資料印刷廠印刷
一九九一年北京第一版

開本：七八七乘一〇九二毫米三十二分之一
統一書號：ISBN7-101-00894-1/K-367

孟子外書四篇

叢書集成初編所選
藝海珠塵函海拜經
樓叢書皆收有此書
藝海在前故據以排
印

序跋三首

坊間有四家孟子注曰。揚子雲也。韓文公也。李習之也。熙時子也。中興史志以爲依託。信也。然三家者依託。而熙時子非依託也。乃熙時子依託三家也。熙時子者誰。相傳卽公非先生劉貢父也。貢父因李泰伯不喜孟子。爲此以示之也。注中往往用泰伯語也。熙時者。曉然也。譌也。越絕參同契之流也。孟子外書四篇。趙臺卿不取也。故不顯於世。賴四家注附刊於後。而熙時子且注之也。是以傳也。則熙時子之功不淺也。四家注依託不足傳。而孟子外書四篇。不可不傳也。遂序而存之也。碧梧老人馬廷鸞書。

麻沙新刊四家孟子注。作僞無疑也。至其附外書四篇。頗有精義。且流傳已久。似非全僞者。先師夢奠無從就正。耿耿於懷。莫能自決云。涪翁姜淵謹記。

吾友叔祥客濟南。得孟子外書見寄。情第四篇爲正。殘闕不全。真祕冊也。按劉昌詩筆記云。新喻謝氏多藏古書異本。有性善辨一秩。蓋卽是書。自宋以來。流傳絕少。雖斷珪碎璧。尤當寶貴之。昔趙氏斥書爲不能閎深。與內篇弗類。故其書遂不顯於世。然漢時引孟子者。謂之博文。則內外篇均在博文之列。何可存內而佚外哉。武原胡震亨跋。

孟子外書四篇

熙時子注熙時子姓劉名敬字貢父臨江新喻人慶歷中與兄敏同第進士歷祿書少監出知蔡州召拜中書舍人以疾不起卒私諡公非先生有集六十卷

序

坊間有四家孟子注曰揚子雲也韓文公也李習之也熙時子也中興史志以爲依託信也然三家者依託而熙時子非依託也乃熙時子依託三家也熙時子者誰相傳卽公非先生劉貢父也貢父因李泰伯不喜孟子爲此以示之也注中往往用泰伯語也熙時者曉然也聰也越絕參同契之流也孟子外書四篇趙臺卿不取也故不顯於世賴四家注附刊於後而熙時子且注之也是以傳也則熙時子之功不淺也四家注依託不足傳而孟子外書四篇不可不傳也遂序而存之也碧梧老人馬廷鸞書

孟子外書四篇卷一

性善辨第一

孫卿子自楚至齊見孟子而論性荀卿名況楚人避漢諱易荀爲孫見奚適反孟子曰有善無惡天也有善有惡人也言天之賦性但有善而無惡其有善惡乃人後起之私孫卿子曰有善有惡天也有善無惡人也言性本有善惡聖人以學勝之方能有善無惡孟子曰率天下之人而遂性本者必自子始

矣。

孟子曰：虎狼知父子，蟻蟻知君臣，而況於人乎？故人之性善，今人之性不善，皆失喪其性故也。喪，息，返。孟子曰：性善也，堯舜不勝其美，習不善也，桀紂不勝其惡。堯，平，賢，性無不善而欲害之，水無不清而物汚之，是豈水性也哉？

曼邱不擇間於孟子曰：夫子焉學？曼邱姓不擇名，齊人。曼音萬。孟子曰：魯有聖人曰孔子，曾子學於孔子，子思學於曾子，子思，孔子之孫，伯魚之子也。子思之子曰子上，軻嘗學焉，是以得聖人之傳也。子上，名白。

孟子曰：舜生於姚墟，禹生於石紐，湯生於蒲南，文王生於台疆，千年一聖，猶旦暮也。姚墟，石紐，蒲南，台疆，雖地名。

孟子曰：太山之高，參天入雲，而斲者莫之見也；黃河之濤，衝擊如雷，而聾者莫之聞也，甚矣人不可不學也。此章戒人不學而猶一如聲聾也。

孟子三歲而孤，孟母賢，攜孟子以居，始舍近墓，孟子幼，嬉戲爲慕閭事，跖躍築埋。孟母曰：此非所以居我子也，乃去舍市，又嬉戲爲買街事。孟母曰：此亦非所以居我子也，徙學旁，乃設俎豆，揖讓進退。孟母曰：此真可以居我子矣。此卽世俗所傳孟母三遷事。

孟子幼誦，其母方織，孟子輟，乃復誦，母知其誼也，呼而問之曰：何爲輟？對曰：如有失復得，母乃引刀斷其

織。以此戒之。自後孟子不復讀矣。韓中止也。讀譌也。

孟子妻獨居。踞。孟子入戶視之。白其母曰。婦無禮。請去之。母曰。何也。曰。踞。母曰。何以知之。曰。我親見之。母曰。乃汝無禮也。禮不云乎。將入門。言必聞。將上堂。聲必揚。將入戶。視必下。不掩人不備。今汝往燕私之室。入戶不有聲。令人踞而視之。是汝之無禮也。非婦無禮也。孟子自責。不敢去婦。略列女傳作祖。

孟子處齊爲客卿。居常有髮色。擁櫪而歎。孟母見曰。子擁櫪而歎。若有髮色。何也。對曰。軻聞之。君子稱身而正位。不爲苟得而受賞。不貪榮祿。今道不用於齊。願行而母老。是以憂也。孟母曰。婦人之禮。精五飯。鬻酒漿。縫衣裳而已。故有閭內之修。而無境外之志。易曰。无攸遂。在中饋。詩曰。無非無儀。惟酒食是議。以言婦人無損制之義。而有三從之道也。故幼則從乎父母。嫁則從乎夫。夫死則從乎子。禮也。今子成人也。而我老矣。子行乎子義。吾行乎吾禮。子何憂也。五飯。稻黍稷麥菽五種之飯。鬻。彌筆反。

孟子遊於莒。有曾子講堂焉。孟子登堂彈琴而歌。二三子和之。莒父老曰。久矣夫不聞此音也。聖人之徒也。和。去聲。夫音扶。

孟子曰。人皆知以食愈飢。莫知以學愈愚。人皆知蓺其田。莫知蓺其心。蓺田莫過利苗得粟。蓺心易行而得所欲。何謂蓺心。博學多聞。何謂易行。一性止淫也。專一其性。禁止其淫。行去聲。

孟子謂子石曰。卵有毛。信乎。公孫龍字子石趙人。爲梁白異同之辨者。子石曰。信。孟子曰。何爲其然也。子石曰。卵無毛。雞無翼。孟子曰。雞而烹。人可食。然則子腹亦有雞與。此章孟子之闢邪說與音余。

孟子曰：堯敬仲仁，故齊威公亦仁；堯敬仲義，故齊威公亦義。吾於河廣知德之至也。河廣宋威夫人所作。

此章言齊威公存衛亡國之德。

徐辟將之秦，孟子曰：秦虎狼之國也，子何遊焉？辟音璧。徐辟對曰：山東之國，無可與者。蘇子來招，故將必往。蘇子，蘇秦也。孟子曰：夫蘇子天下之至無信人也，天下之大不義人也，子何交焉？夫音扶。徐辟對曰：辟之祖自南州遷於郟，今五世矣。於蘇爲睦，且辟，蘇之自出也。南州，徐國也。郟，洛陽也。白出，謂蘇氏之甥。孟子曰：然則姑贈子以言，不約縱，不連橫，不爲威屈，不爲利疚，以守子義，以全子生，斯可矣。縱，音宗。

凡十五章

孟子外書四篇卷二

文說第二

孟子曰：文其說，不若文其心。文勝者不陋，質勝者可久。言人徒勝才辨而文其說，不若篤實好學而文其心，不陋。文采可觀也，可久，經久不散也。

孟子曰：士貴立志，志不立則無成。

孟子曰：君子爲己，小人爲人。爲己者逸而爲人者勞而危。爲，去聲。

孟子曰：人不可以不知天。凡事可以對天，則知天矣。

孟子問於子上曰。敢問聖人之教。聖人謂孔子也。子上曰。言仁不言暴。言義不言利。言禮不言邪。言性不言許。此聖人之教也。

子上謂孟子曰。舜之誥禹曰。人心惟危。道心惟微。惟精惟一。允執厥中。子其識之。此心傳也。識音志。

公明高問於孟子曰。詩云。不敢暴虎。不敢馮河。又云。如臨深淵。如履薄冰。何謂也。公明高。孟子門人。

馮河反。孟子曰。君子之學。敬而已矣。

孟子曰。言不可不慎也。言巧則天刑之。言肆則人害之。大雅云。無言不讐。無德不報。此章補金人銘所未及。

梁襄王問戰於孟子。孟子曰。戰。危事也。臣未之聞也。

孟子去梁。梁襄王追之。及諸東。桑。孟子曰。爲吾謝梁王。勿忘先王之禮遇也。再拜登車而去。東桑地名。未詳所在。爲去聲。

萬章從遊於牛山之上。孟子喟然嘆曰。此齊景公流涕之所也。而其骨已朽矣。萬章曰。古之人何以不朽。孟子曰。太上有立德。其次有立功。其次有立言。此之謂三不朽。古之人皆有死。君子雖死而求其不死者。若小人則未死而已死矣。

陳仲子卒。孟子誄之曰。吁嗟仲子。廉潔以保貞兮。求名而得名兮。數齊國之高士。舍仲子其誰稱兮。惟山高而水流。千古一於陵兮。吁嗟仲子。名長存兮。可慰於九泉兮。數舍並上聲。於音烏。

顯竈隱於萊。丁氏公著云：竈古蠅字，萊國名，後國齊，今萊州也。隱居當在致爲臣而去之後。孟子使人問之以書，且遺之粟，曰：「介士也，使遺，雖去聲。」

萬章問曰：「子庚何人也？」子庚，淮柳字。孟子曰：「古之高人也，上不臣天子，下不事諸侯。易曰：『不事王侯，高尚其志。』」

子叔問曰：「文王囚於羑里，孔子厄於陳，蔡，何以繫易也？」子叔，孟子門人。孟子曰：「夫易，憂患之書也。安樂而不知易，君子吉，小人凶。憂患而不知易，小人吉，君子凶。是以君子不可以不知易也。夫音扶，樂音洛。」

孟子去齊，宿於晝。王蠋請見。孟子見之。蠋，魯邑人。請見，奚邇反。王蠋曰：「夫子何以久於齊也？」孟子曰：「久於齊，非我志也。蠋曰：『我固知非夫子之志也。』齊王外好善而心不好，夫子去國，亂將至矣。蠋是以憂也。孟子去數年而齊國果亂，好去聲。」

滕文公卒，葬有日矣。天大雨雪，及牛日，羣臣請弛期。太子不許。惠子諫曰：「昔者王季葬渦山之尾，樂水齧其墓，見棺之前，和文王曰：『先君欲見羣臣百姓矣。』乃出爲帳三日後葬。今先公欲小留而撫社稷，故使雪甚弛期而更爲日，此文王之志也。孟子曰：『禮也。弛緩也。』惠子名施，渦山樂水未詳所在，修齊亦有此文。大同小異，兩去聲，更平聲。」

凡十七章

孟子外書四篇卷三

孝經第三

孟子曰：孝經者，曾子傳於孔子，諸弟子不得而聞也。

孟子曰：曾子之孝，士之孝也。故孔子先以事親事君立身告之。

孟子曰：天子之孝，文王也；諸侯之孝，魯釐公也；卿大夫之孝，孟莊子也；士之孝，曾子與也；庶人之孝，大連

少連也。魯釐公之孝無考，豈以詩有歸母之文而稱之歟？釐僖同，少去聲。

孟子曰：舜生五十而不失其孺子之心。紮母氏遠曰：鄭氏禮記注引之。

孟子曰：孝者，順德也。父子親，兄弟睦，夫婦和，人人濟其家而天下平矣。

孟子曰：樂正子春，生孝也，茅竇死，孝也。劉氏熙曰：茅竇，竊大夫喪母哀毀而死。

樂正子春年九十矣，使其孫克學於孟子，告之曰：昔者聖人之門，顏子以仁，曾子以孝，季路以勇，伯鯨以

智，各以所得聞於天下，傳於後世，汝往矣。庶幾其有一得乎。紮母氏遠曰：伯鯨，端木賜也。

孟母之喪，門弟子各治其事。陳臻治貨，季孫郊治車，咸邱蒙治器，萬章治綏，充虞治櫬，公都氏治饌，陳代

治牲，樂正克治儀，公孫丑治賓客。弟平聲。孟子三日不食，哭不止。門弟子請曰：古者五十不毀，孟子曰：

五十也乎哉？吾母死，吾猶孺子也。記孟子居母喪之孝，最禮盡哀。孺子也，見之流涕，自責曰：今而知聖

人之道，遂棄墨而歸儒，孺子爲墨子之學者，離他端反。

孟子曰：傳言失指，圖景失形，言治者尙覈實，此乃循名責實之義，景影同。

梁惠王曰：「先用李悝盡地利，至於今賴之。」先王謂文侯。孟子曰：「非古也。古莫善於勸，勸者殷法。雖周亦勸也。地有餘利，則民有餘；地無餘利，則君有餘。損下以益上，非古也。」素母氏遠曰：勸讀如藉。陸氏德明曰：與勸同。

孟子三見齊宣王而不言事。丑子曰：「夫子何以三見齊王而不言？」高氏誘曰：「丑子，即公孫丑。世本云：齊末公子公子朝之子，字子景，以字爲氏，亦曰景丑。」孟子曰：「我先攻其邪心。邪心去則無不正矣。」書曰：「格其非心。」

孟子去齊，子敖餞於華門。子敖，王驥字。程氏曾曰：華門，齊南門。華，力博反。再舉觴，孟子辭而去。子敖曰：夫子盡賦詩。孟子曰：子大夫欲我賦詩乎？不曰堅乎？磨而不磷，不曰白乎？涅而不緇，如緇。讀如連，與堅爲韻。白讀如裴，緇讀如幾，爲韻。四語本孔子之辭。孟子以其類詩，故以爲詩而賦之。此章見孟子之待小人，不惡而嚴，混乃結反。

屋廬子曰：「無爲而治，何如？」孟子曰：「有心於無爲，非無爲也。虞舜先勞而後逸者也。屋廬子初爲黃老之學，故以清靜無爲問。孟子恐其有流弊也，舉虞舜以告之。」

孟子曰：「矯枉不可過直。」此章即不爲已甚之意。

孟子曰：「天下有道，諸侯有王，東遷以後，天下無王，五伯之罪也。」素母氏遠曰：諸侯有王，鄭氏周禮注引之。

孟子曰：有遠慮者無遺策，無深謀者有敗機。

孟子曰：敬老愛幼，推心於民，天下如運掌中也。

齊人伐楚，桃應將，問於孟子。孟子曰：毋嗜殺，將心也，勿爭功，將才也。與士卒同甘苦，將道也。將去聲，毋音無。

孟子說齊宣王而不說淳于髡。淳于髡曰：今日說公之君，公之君不說，意者未知善之爲善乎？說齊說公，並音稅，不說音悅。淳于髡曰：夫子亦誠無善耳。昔者瓠巴鼓瑟而潛魚出聽，伯牙鼓琴而六馬仰秣，魚馬猶知善之爲善，而況君人者也？孟子曰：夫電雷之起也，破竹折木，震驚天下，而不能使聾者卒有聞，日月之明，徧照天下，而不能使盲者卒有見，今公之君若此也。夫音扶，卒音猝。淳于髡曰：不然，昔者揖封生高商，而齊人好歌，杞梁之妻悲哭，而莒人稱詠，夫聲無細而不聞，行無隱而不形，夫子苟賢，居魯而魯國之削何也？揖封生齊魯歌人高商，商獨之高者，好行並去聲，娶夫音扶。孟子曰：不用賢，削何有也？吞舟之魚，不居鰓澤，度量之士，不居汙世，夫義冬至必彫，吾亦時矣。詩曰：不自我先，不自我後，非遭彫世者歟？栽樹栽五穀也。夫音扶，度徒洛反。

隱從請受業於孟子。孟子曰：吾老矣，不能偕子遊於九州之外也。以術好爲大習，且多荒誕不經之說，故孟子拒之如此。

凡二十章

孟子外書四篇卷四

爲正第四

孟子曰：爲正以心，爲邪以心。心之所之，邪正因之。故君子存心而不放。

孟子曰：道不遠人，人之爲道而遠人，不可以爲道。堯舜之道，非遠人也。人不自思之爾。

孟子曰：人謂孟嘗君好士，吾不信也。孟子言孟嘗君不過好名，非真好士也。奸去聲。

高子問於孟仲子曰：詩曰：維天之命，於穆不已。何謂也？孟仲子曰：大哉天命之無極，而美周之禮也。孟子

曰：否，不然。維天之命，於穆不已。蓋曰天之所以爲天也，於乎不顯，文王之德之純。蓋曰文王之所以爲

文也。純亦不已。於穆音鳴，於乎音嗚呼。

高子問於孟子曰：夫嫁者非已所自親也，衛女何以得編於詩也？夫音扶。孟子曰：有衛女之志，則可。無衛

女之志，則外。夫道二，常謂之經，變謂之權。懷其常道而挾其變，乃得爲賢。夫衛女行中孝，慮中聖，權如

之何？夫音扶，行中，進去聲。

邾婁繆公問政於孟子曰：爲政之道奚先？孟子曰：省刑罰，薄稅斂，愛民之政也。非是則無所爲政也。君其

勿信倖臣之言。

孟子過鄭，見鄭莊公。鄭國名，高氏諱曰：世本鄭莊公名顯。孟子道性善，言必稱文王。道去聲。莊公曰：聞夫

子之言，昭然若發矖矣。

孟子老於騶。燕昭王使樂閒迎之。孟子不往。咸問曰：夫子何以不往？孟子曰：以吾受齊王之知，是以不往也。且燕王，霸才也，亦非王天下之主也。使王，並去聲。

凡八章以下同